

**1. Engtik atangin nge the Mizoram Right to Public Act, 2015 hi hman tan a nih?**

He dan hi Notification No. H. 12018/236/2014- LJD, the 16<sup>th</sup> April, 2015 hmanga chhuah a ni a, Mizoram Gazette, Extra Ordinary, Vol. XLIV Dt. 20/4/2015 Issue No. 156 ah chhuah a ni bawk. Mizoram Governor remtihpuina hi Dt. 25/3/2015 hian lak a ni.

Tin, Dt. 1.12.2015 atangin he dan hi a taka hmang turin hriattirna Notification No. H. 12017/1/2014- P&AR (GGC) 23<sup>rd</sup> Oct., 2015 (Vide, Mizoram Gazette, Extra Ordinary, Vol. XLIV Dt. 8.12.2015 Issue No. 628) hmanga chhuah a ni.

**2. The Mizoram Right to Public Services Act, 2015 hi Right to Information Act, 2005 nen a kalphung a inang em?**

Inang chiah lo. Right to Information Act, 2005 hi mipuiin Sawrkar atanga thu hriat duh (information) eng ang pawh dil chhuah theihna dan a ni.

The Mizoram Right to Public Services Act, 2015 hi Mizoram Sawrkar hnuaiia sawrkarin mipuite hnena service a pek thin he dan hnuaiia notify (Notified Services) te hunbi neia pekchhuah ngei ngeina dan a ni a, he dan hnuaiia Notified Services te chauh a huam a ni.

**3. The Mizoram Right to Public Services Act, 2015 hian Mizoram Sawrkar Department zawng zawng a huam tel em?**

Tunah rih chuan Mizoram Sawrkar hnuaiia Department 6 (paruk) atangin Notified Services 46 (sawmli leh paruk) a huam a ni.

**4. The Mizoram Right to Public Services Act, 2015 hnuaiia Notified Services te hi dilna hranpa (form) a awm em?**

Awmlo. He dan hnuaiia sawrkar mawhphurhna (Notified Services) te hi Department in dilna a pawm thin pangngai ang tho a dil tur a ni a, a hranpa a dilna form hran siam a ni lo.

**5. He dan hnuaiia hian tu te nge mawhphurtu?**

He danin a huam Department tin sawrkar mawhphurhna (Notified Service) ah mawhphurtu tur Designated Officer ruat an ni a, thubuui awm palha lungawilohna thlenna tur First Appellate Authority leh Second Appellate Authority te ruat tel bawk an ni.

**6. He dan hnuaiia hian mawhphurtute hrem theihdan enge awm?**

He dan hnuaiia Designated Officer te hian mipuite hnena sawrkar mawhphurhna (Notified Service) te a diltu hnenah hun tiam chhunga a pek loh chuan First Appellate Authority in nitin ₹250/- a chawi tir thei a, ₹5000/- thleng chawi tir theih a ni. Tin, Designated Officer te hian mipuite hnena sawrkar mawhphurhna (Notified Service) te a diltu hnenah chhan leh vang mumal tak awm lova a pe chhuak lo anih chuan pawisa fai ₹500/- aia tlem lo nimahsela ₹5000/- aia tamlo chawi tir theih an ni.

Tin, he dan hnuaiia First Appellate Authority hian a hnena thubuui an thlen chu hun tiam chhunga chhan leh vang mumal awm lova a chingfel lo anih chuan a chung a mi Second Appellate Authority in pawisa fai ₹500/- aia tlem lo nimahsela ₹5000/- aia tamlo a chawi tir thei a ni.

**7. Eng tik hun chhungin nge lungawilohna (complaint) hi a thehluh theih?**

He dan hnuaiia Notified Services diltu hi a dilna hnawl sak anih chuan, a dilna hnawl atanga ni 30 ral hmain dilna siamtu in First Appellate Authority hnehah lungawilohna hi a thehluh theih a ni.

First Appellate Authority thutluknaah lungawilohna a awm anih chuan Second Appellate Authority ah First Appellate Authority thutlukna siam atanga ni 30 ral hmain lungawilohna a thlen theih a ni.

(Lungawilohna/Thubuui reng reng hi lungawilohna thehluh atanga ni 30 chhunga thutlukna siam tur a ni.)